



Vitæ D. N. Iesv Christi Monotessaron Evangelicum

Heser, Georg

Monachii, 1657

99. Christus in regione Gerasenorum duos dæmoniacos curat.

Nutzungsbedingungen

[urn:nbn:de:hbz:466:1-56533](#)

I I. Exibant autem dæmonia à multis, clamantia, & dicentia : Quia tu es filius Dei. *Luc. 4. v. 41.*

I II. Et increpans non sinebat ea loqui, quia sciebant ipsum esse Christum. *Lut. 4. v. 41.*

MEDITATIO XCIX.

Christus in regione Gerasenorum duos demoniacos curat.

I. **C**Vm venisset Iesus trans fretum in regionem Gerasenorum, occurserunt ei duo habentes dæmonia, de monumentis exeuntes, sœvi nimis, ita ut nemo posset transire per viam illam. Et ecce clamaverunt, dicentes: Quid nobis, & tibi, Iesu fili Dei? venisti hic ante tempus torquere nos. *Matth. 8. v. 28. & 29.*

I I. Erat autem non longè ab illis grex multorum porcorum pascens. Dæmones autem rogabant eum, dicentes: Si ejcisc nos hinc, mitte nos in gregem porcorum. *Matth. 8. v. 30. & 31.*

I II. Et ait illis: Ite. At illi exeuntes, abierunt in porcos: & ecce impetu abiit totus grex per præceps in mare: & mortui sunt in aquis. Pastores autem fugerunt: & venientes in civitatē, nunciaverunt omnia,

&

D. N. IESV CHRISTI. 92

& de eis, qui dæmonia habuerant. Matth. 8.
v. 32. & 33.

IV. Et ecce tota civitas exiit obyiam
Iesu: & viso eo, rogabant, ut transiret à fi-
nibus eorum. Matth. 8. v. 34.

ANNOTATIVNCVLA.

S. Mattheus duos demoniacos occurrisse
narrat: S. Marcus & S. Lucas, altero præ-
termisso, unius tantum faciunt mentionem;
Vel quod ille clarior & famosior esset, ut vult
Augustinus lib. 2. de consensu Evangelist.
cap. 24. Vel quod senior esset, ac duriori dæ-
mone sexaretur, ut ait Chrysostomus. Quam
ob rem, majoris claritatis causa, rursus ea-
dem historia verbis duorum Evangelistarum
Marci & Luca recensetur.

MEDITATIO C.

*Dira fors hominis à demonibus
obfessi.*

I. **N**avigaverunt ad regionem Geraseno-
rum, quæ est contra Galilæam: Luc.
8. v. 26. & venerunt trans fretum maris in
regionem Gerasenorum. Marc. 5. v. 1. Ex-
eundi ei de navi, Marc. 5. v. 2. cùm egref-
sus esset ad terram, Luc. 8. v. 27. statim oc-
currit de monumentis homo in spiritu im-
mundo. Marc. 5. v. 2. Occurrit illi vir qui-
dam,